



陶人心語續選

八卷



陶人心語續選目錄

仲春送徐大川歸維揚

乾隆十一年丙寅二月初一日

和徐大川留別原韻二首

二月初六日

和王耐菴司馬見贈原韻

三月十四日

重修琵琶亭自記

三月十八日

種瓜

有序三月二十六日

丙寅閏春巡視窑工山行口占

二首

閏三月初九日到廠也

丙寅孟夏寓珠山陶署雨窓口

占二截句

四月初五日

題戴寅谷持竿圖小照二截句

四月十二日

浮梁令李嶼十四壽序

四月十三日珠山陶

署撰

丙寅夏五月琵琶亭臨江廊檻

工竣偕諸友遊覽疊賦二律

以落之

五月初八日

擬憶卧雲龍潭二寺

有序五月十五日

卧雲寺

龍潭寺

題雲耕上人三十像

五月二十一日

題雲耕上人七十像

五月二十一日

題雲耕上人範泥小照四截句

五月二十一日

炎夏書懷二首用蕉衫詩人維

揚留別友人原韻

六月初四日

夏日琵琶亭納涼即事

六月初八日

即日琵琶亭縱目

夏日曉起雙碧樓聽雨

六月十四日

琵琶亭懷古

調寄青衫濕

六月十五日

立秋日雙碧樓看雨

六月十二日

琵琶亭弔古

調寄滿江紅

六月十四日

丙寅立秋後三日琵琶亭即景

二首

六月二十五日

琵琶亭看雨

有小序六月二十五日

新秋漫興

七月初五日

新秋風雨雙碧樓曉起漫興

七月十四日

丙寅中元琵琶亭讌集即事

七月十五日

和臧南園殘菊原韻

七月十五日

秋窓漫興

七月十八日

中秋日同事諸君子有琵琶亭
之遊余以病目不得附驥悵

而有作

和張蕉衫中秋讌集原韻

輓黃鹿樵葛少君八絕句
有小序九月初九日

丙寅深秋巡視孤塘關山行口

占
九月十九日

秋巡窰廠道中口占馳呈諸同

事

有小序九月二十五日

病目山行輿中撥悶
九月二十五日

長途病目籃輿中自嘲聊以撥

悶
九月二十五日

深秋巡視窰廠荻湖灘阻雨
九月二十六日

深秋夜過石鐘山
九月二十六日

秋山放歌行
有小序九月二十七日

輶中瓶菊
九月二十八日

丙寅小陽月昌江泛舟即事十

二首 十月初八日

丙寅初冬珠山斗室獨坐撥悶

十月二十日

屠者李文彬以紙乞書戲成一

截書以付之 十月二十一日

丙寅冬夜珠山行館獨坐時日

疾方痊 十一月初二日

長至前三日琵琶亭即事 十一月初八日

挽能仁方丈雲耕上人十二首

十一月十九日

冬夜雨窓四首 十一月十九日

雪夜偶興 十一月二十一日

雙碧樓喜晴 有小序十一月二十八日

丙寅嘉平月朔日迎候上官琵琶

亭小憩乘便探春兼以書

懷二首

嘉平月之五日深宵讀書

十二月
初五日

即事書懷二首

十二月
初九日

立春前一日琵琶亭望春

十二月二
十四日

贈謝母程太夫人

有序十二月
二十八日

丙寅除夕寫懷

陶人心語續選卷八

溇江著

瀋陽唐 英俊公著

仲春送徐大川歸維揚

江上歸帆又做裝柳風梅雨指維揚
青雲事業傳鸚鵡白髮文章吐鳳凰
斗室月明歌宛在瑤花春暖發奇香
留君無計高懸榻漫道山長水
不長

大川有美
璋之信

臨川言集卷八
和徐大川留別原韻二首

去路芊芊春草生
東風澹蕩送歸程
好乘鶴背舒清曠
漫折梅花效世情
江上遠帆心上句
天邊明月水邊城
廬山面目君須識
不逐翻雲覆雨更

其二

英雄今古有升沉
莫爲牢愁昧尺尋
風調愛君君愛我
參苓醫病病醫心

扁舟遠載春江夢
世眼驚看壯士金
涸轍何須愁決水
廣陵濤暖養清深

和王耐菴司馬見贈原韻

緣鞅因諧不用尋
塵中象外有知音
面疑舊識三生笑
詩引偷閒半日吟
白髮頭陀陶榘吏
青衫司馬水雲心
相看源本商酬報
同爲君親惜寸陰
重修琵琶亭自記

江州琵琶亭天下古今一大名勝也其地介于匡廬潯水間爲游覽者所必至古今冠蓋士夫騷人墨客豔其事訪其跡者率寄之謳吟憑弔佳篇名句不翅春花秋卉之蕃茂矣自樂天迄今八九百年不知幾經興廢雖興而廢廢而興爲時有久暫之異而人無有不知之而傳之者以瀕臨大

江爲風濤洶蕩圯岸斷沙間僅存一筮柱檻傾側旦晚莫支幾爲洪波巨浸中桑田噫司馬青衫之淚應不免爲斯亭再濕也因思亭爲天下古今之名勝則修葺保護之責謀所以興之者天下古今人所不得而辭余自乾隆己未奉

命司權潯關計駐節亭側已八載於茲

觸目動心不忍視名勝淪沒於是量
節匕箸經營葺補數年來始得新其
亭培其基築以隄構以樓檻廊廡留
先賢之遺韻供後賢之游觀矻矻孜
孜致熱心于冷澹排場以斲客而新
久遠之跡固知往來于斯亭者領者
半笑者亦半然不暇顧也丙寅春工
既竣爰約諸同事偕遊遊而樂樂而

吟吟而憑闌注目見夫雲態烟容大
江東去不禁爽然失畢然歎曰有是
哉往者過而來者續物理其有然也
又何必斤斤於久斲乎天下事有其
始必有其繼翺於始者固不能要其
終而繼於後者又何異於翺始如斯
亭之肇基昔人鳩工庀材不知幾經
圖度極思致力于久而不欲速朽于

蹇然而荒落隨之矣則昔日之久皆
爲今日之蹇又烏知後日之蹇不即
爲今日之久乎從來名勝之區人傳
事事傳地地傳人在一時之事與地
則甚蹇而傳之後則又甚久要皆以
人爲政天之篤生斯人實非偶然樂
天之後雖無樂天千載而下風塵牛
馬中傳其慨息尚有藐茲一余余之

後又安必無風流大雅如樂天其人
者而余又何足道斯亭也叛于前葺
于後其繼而葺之者且或擴充輪奐
較勝于今日則興于一時感于百世
雖古今之時不同先後之事不同而
人之風雅逸韻當必有同焉者試觀
天地之氣運人事之興會循之環之
自相延于無盡又豈可泥久蹇之說

以聽往跡之興廢而弗論是役也余
既私淑先余之樂天而更勒之石以
爲後余之樂天者告亭乎亭乎遙遙
千古庶幾可以不朽矣乎

種瓜 有序

丙寅三月廿六日巡視孤關
硤石遇雨斲憩山寺雨後見
階下土潤膏鬆生意活潑適

山僧以茶點進中有瓜子一
槃因劊土種之戲占一律記
事

黃臺冰谷事今傳總出心培方寸田
種豆種瓜隨興趣得瓜得豆聽因緣
封侯貴讓東陵骨玩世囊輕緱圃錢
敢效當年期五色聊將生意試閒天
丙寅閏春巡視窰工山行口占

二首

四面山屏錦繡圍一鞭曉日趁晴暉
花香鳥語尋消息流水行雲澹槭機
春雨人嫌泥路滑長途我喜潔身歸
皇華于役誰言苦斗酒雙柑興未違

其二

皇華興致老依然眼底風光心境連
天意留春長歲閏是年閏三月宦情隨地證

塵綠艇浮野水漁堪羨豔鬪空山花
可憐綠笠青鞵何日事十年前已慕
坡仙

丙寅孟夏寓珠山陶署雨窓口

占二截句

閏春新夏自遲遲已是榴紅蒲綠時
曉起送涼窓外雨雲峯烟樹一天詩

其二

權水陶山閒宦况零風碎雨落花天
鏡中自對鬢眉笑不近紅塵二十年
題戴寅谷持竿圖小照二截句
我已臨淵澹羨心對君小照動沉吟
廿年江上陶漁伴雲水塵氛誰淺深

其二

我向江湖成宦隱君將漁釣寫清襟
投竿踪跡難同調渭水桐江各自心

浮梁令李嶼十四壽序

珠山陶署撰

嘗讀小雅天保之什乃知君以鹿鳴
四牡皇華棠棣伐木五什燕其臣臣
受賜者歌天保六章以荅其君堂皇
頌祝君臣交際之體也近見世之朋
儕交際有需頌祝者多藉此以圖典
贍文筆以故侈辭絢爛琢句新奇點
綴陸離鋪排炫耀而山阜岡陵日月

松柏等文幾于千篇一律至其所頌
祝之人曾未一字傳記一事確切也
噫亦謬矣余隸籍 內府叨濫旗員
幼備

扈從之後家傳澹泊之風無才而不敢
求知未學而安于拙陋庸庸碌碌不
知老之將至也荷蒙

國恩以郎曹奉

使西江陶山權水于

茲廿載惟兢兢自守竭力秉心無聲
氣之援出位之舉踽踽涼涼枯寂不
文之甚爲術既隘亦何所建白于已
而堪以表彰于人乎丙寅清和余眎
陶來昌南昌之士民環轍歡呼向余
而言曰月之十八日爲我邑侯李公
四十壽我公廉惠兼寬猛濟下車來
不期年而政成耳聞目睹不惟我士

民被其澤而知之深公亦心乎斯民者固已稔悉之矣脫不乞公一言以介壽實我士民之所不能安諒亦公心之所耿耿也余曰諾有是哉微汝士民之求余亦不能自己于言蓋余爲慕之久而知之深者也試爲汝士民言之公家世彭城龍門系派代有令德公爲本朝名宦宮保制府又玠

公之昆玉行其爲人也誠身而瞻學以明經沐

恩遇歷署浙之倅令者數任繼授四明之象山令所至有賢聲歲癸亥十月以

特恩補授江西都昌令都昌與余權部壤相接民俗強悍爲江西巖邑公莅任兩載恩威平允民化風淳其善政

善教住而蒙其庥去而遺以思者迄
今猶膾炙人口余歲詣鎮厰數經都
昌得之于黃童白叟者萬口一聲也
今調浮梁與余陶署不惟居相近且
有同官靖共之雅此余之所謂慕之
久而知之深者非泛泛無稽語也且
公之真誠律已豈弟治民矢廉而慎
公輕徭而減賦賞罰當冤獄平行見

人物咸熙時雍於變浮民有慶漸登
于衽席仁壽之域矣攷諸聖賢載籍
之言有大德者享大年此則可信于
天可必于人操券而不爽者也公年
僅四十耳後此之建業恢宏享年綿
互振繼前徽而貽謀奕葉者正方興
未艾也又奚藉天保什之山阜岡陵
日月松柏等文始足爲公遐齡之頌

陶人八言
祝也哉此即陶人之心陶人之語愧
不能與絢爛新奇陸離炫耀者之花
樣同時也然於所頌祝之人之事傳
記確切庶幾信無遺誤矣語竟而笑
士民皆首肯以爲然爰書以付之爲
躋堂稱觴者佐

丙寅夏五月琵琶亭臨江廊檻
工竣偕諸友遊覽疊賦二律

以落之

樂天興致敢言同到此清涼心地空
隔岸村遮漁浦樹順流船送藕花風
遊人野鷺棲亭澹畫檻晴霞映水紅
鐵板銅琶今日客掀髯齊唱大江東

其二

仍疊前韻

今日亭臺古興同泝洄莫嘆浪花空
青衫情觸琵琶淚白髮神交司馬風

遠岫競奇雙眼濶斜陽絢彩一江紅
香山韻雅終難繼結草爲堂五老東

擬憶臥雲龍潭二寺有序

二寺俱在廬山之陰距江州
三十餘里余未及一遊其清
境談之友人頗佳因擬憶各

識一律

卧雲寺

誰向雲中卧招提遂得名奇峯環夏
夢變態悟無生啟戶風推入埋谿僧
礙行孤清堪隱跡慾界隔英英

龍潭寺

龍潭龍在否寺野以龍靈霖雨蒼生
望風雲尺木渟抱珠眠夜月聽偈護
金經破壁騰梭後驚人嬾幻形

題雲耕上人三十像

陸心言續選 卷八 三
三十年前誰寫公道心
逐漸臘爲通
鬢頭鬢頭作頭陀形煩惱今除淨
驚耳雷霆已
付龔無著空花開色相
有源泡影印
宗風披圖認取啞然笑
瞋睡低着冷
宦同

題雲耕上人七十像

如如澹澹老雲耕
展軸還同對坐時
槁木寒灰禪定貌
陶烟榷水宦皈師

七層寶壘傳鐙古
一箇廬山供養奇
戲借丹青留色相
本來面目自家知
題雲耕上人範泥小照四截句
泥土形骸也似真
與公同是箇中人
一棚傀儡誰搬弄
四大何緣著色身
其二

百八驪珠繞指柔
輪環誰箇記從頭
而今打破泥中土
笑煞莊嚴萬戶侯

其三

又從泥土見雲公
土面泥形訝許同
玉食錦衣種種相
阿誰不在土泥中

其四

誰道山僧兩耳聾
真聰脈脈與天通
土花泥滓何聞聽
九載宗風面壁功
炎夏書懷二首用蕉衫詩人維

揚留別友人原韻

自笑鷓鴣寄一枝
敢將歸去賦東籬
風塵事業孤僧面
冷淡排場熱路詩
蕉鹿槐柯憑久暫
江雲山月伴棲遲
信天身世疎籌策
民署無懷不耐思

其二

處世隨緣不蔓枝
胷無城府那藩籬
濫觴早止淳于酒
束帶偏吟靖節詩
烟水窟中衙自放
馬牛風裏步甘遲

臨人八言經選 卷八
春秋佳勝同人興譖鳥評花別有思
夏日琵琶亭納涼即事

琵琶亭下泛輕橈避暑登樓勝友邀

是日同事十人俱在座

撲檻青來廬嶽翠搖隄綠擁

九江潮機忘野鷺狎人近雲幻奇峯

隔水遙塵面熱心方一息樹林深處

幾聲蛸

即日琵琶亭縱目

吳楚界蒼冥登樓倦眼醒野邨幾點
綠遠岸一痕青賈舶江橫渡漁罾風
過鯉雲山直北望何處近 彤廷

夏日曉起雙碧樓聽雨

入夜蕉聲滴旅夢登樓放眼聽潺湲
烟迷四野擬無雨雲亂一江都是山
遠浦近邨回首失千帆萬櫓避風閒
舍南舍北誰相對浴羽梳翎有鷺鷗

琵琶亭懷古

調寄青衫濕

千呼萬喚誰家婦遮面半琵琶似水
繁華如雲車馬片月殘花 秋深江
冷荻蘆瑟瑟送客天涯風酸插撥朱
顏白髮清淚交加

其二

琵琶一夕成千古此地種閒愁水剩
潯流山存廬阜人憶江州 當年司

馬調高境冷寄嘅傷秋新亭陳跡星
移物換風雅長留

立秋日雙碧樓看雨

新涼獨夜夢蘧蘧曉起登樓望太虛
翠滴山容經雨後烟籠樹色入秋初
玲瓏江渡晴雲影淡漠磯添晒網漁
爽籟西風重掠鬢天涯宦興老偏餘

琵琶亭弔古

調寄滿江紅

陸心言集卷八
一 曲琵琶挑撥動今愁古淚問遊人
到此銷魂也未猶是潯陽江上山誰
來管領江山意羨青衫白髮樂天翁
堪遊戲 商人婦何關繫悲古調傷
人事借莫景秋聲吟情慨世不識昔
年風雅面低徊風雅泊船地笑炎官
熱路冷經營同中異

丙寅立秋後三日琵琶亭即景

二首

不墮琵琶淚登臨俯大川秋新寒歲
閨雨霽淡江烟鷗鷺幾灘雪帆檣一
鏡天吟情老未倦爽健興翛然

其二

三 庚暑欲退亭敞次寥天爽氣纔梳
柳秋聲已到蟬漁磯狎客鷺雨蓋渡
江船自笑風塵吏居然烟水仙

琵琶亭看雨

有小序

琵琶亭瀕臨潯江毘連吳楚
形勢規模爲天下名勝冠余
駐節江州八載屢遊其地類
皆佳辰令節日麗月明秋草
春花之會而雲旂雷鼓風雨
晦冥之概曾未一覩茲於丙
寅立秋後三日雨霽新涼望

秋一到適風滿亭樓山雨驟
至憑闌遙矚倏爾澎湃空濛
奇幻不可名狀洵半生遊覽
中大觀也因口占五律四首
以志興

鐸聲亭角動雲黑渡江東眼縱陰晴
外詩探變幻中清塵喝殿雨解愠放
衙風攜纈襟懷爽炎炎暑一空

其二

秋雲飛遠岫攜雨過前川烟鎖隔江
樹風催歸港船野漁閒澤國吟客愛
詩天却勝蕉窗外更深聽夜眠

其三

空濛迷四野滂沛雜江流雨索詩衝
口風吹人下樓豐占金粟界時近秋成
需雨甚急清
比玉壺秋此景真奇絕堪稱物外遊

其四

倚檻看山雨波濤撼小樓江湖驚作
勢寒燠乍分秋一水翻風動千帆避
險收榜人與賈客多少艤舟愁

新秋漫興

時當流火境清涼滿眼精神宦興長
辛力哺雛堅燕壘苦心結子實蓮房
加飡吟筆老還健受水綦花秋更香

斗室周旋我對我西風白髮自輕狂
新秋風雨雙碧樓曉起漫興
年近古稀儔儻然江上州菘葵晚食
肉風雨故人秋興到常搜句懷空不
倚樓天涯忘老大身為受恩留

丙寅中元琵琶亭讌集即事

放眼秋旻望不窮淡烟暝色水雲空
會心翠岫澄波外寄興高天爽籟中

江失舊汀連夜雨帆開遠浦夕陽風
相期載月遲歸棹好看盂蘭寶炬紅

其二

水暗朱闌柳暗樓今今古古思悠悠
江浮星漢蓮鐙火亭聚風騷司馬秋
天寶琵琶彈白月漁陽枹鼓摻清流

是夜歌漁陽三弄天寶談詞等
曲聲調激昂悲壯四座愀然

歌聲喚醒蓬窓夢小

艇如鷗載客遊

和臧南園殘菊原韻

晚鞠憑時節，枯榮不問霜。
翰孤曾耐冷，色正自終黃。
飡作騷人供，清留處士香。
羣芳春夏貌，久矣讓堂堂。

秋窓漫興

昂藏身世笑何爲，少不聰明老更癡。
廿載臣門權部水，半生長物宦囊詩。
春秋興味江山助，濃淡心情天地知。

小院西風誇乍富，隔鄰分韻送花枝。
中秋日同事諸君子，有琵琶亭之遊，余以病目不得附驥，悵而有作。

放誕襟懷老不刪，琵琶亭上幾回還。
隄新憑撼江湖水，樓小能容吳楚山。
夕照歸帆都入畫，中秋霜葉未全斑。
一年好景成虛度，婉轉依違阿堵間。

和張蕉衫中秋讌集原韻

佳節泠泠露漸稠
陶人寄水邊州
樂天送客亭還在
庾亮樓空江自流
但有照心千古月
何須放眼半分秋
管絃隊裏兀然坐
野興休猜減白頭

輓黃鹿樵葛少君八絕句

有小序

愛了情平葛少君
彩雲飛去緣空因
證鹿樵子蕉夢醒
來

此之謂葛藤纏繞飯熟黃梁
也彩雲自是無心蕉夢何嘗
有鹿當作如是觀莫現癡者
相

鬚眉隊裏幾完人
閨閣君家耳目新
終始寸心柔女子
完人今日蓋棺真
其二

節烈由人命在天
心堅金石自能穿

恩酬冤報身堪死不愧仙宗葛稚川
其三

叩馬扳轅七制府嘔心椎血十年冤
而今月下歸環珮彷彿當初豫讓魂
其四

山海奇冤結洞房狂且膽破劍光銜
兒夫黑白騎雙衛敢犯仙靈聶隱娘
其五

奇慘沉冤痛寡孤奸人方喜遂奸圖
邠知閨閣桃花面突變鞭屍伍大夫
其六

芳心自此無遺憾生作完人死有稱
迴憶種緣蕭寺夜孤雛旅櫬哭青鐙
其七

牢籠打破于飛計冤報恩酬家室宜
白面書生偏大勇十年衾枕女要離

其八

英雄心了恩仇盡
閨閣人完生死安
彤管不知誰作傳
重陽風雨夜窗寒
丙寅深秋巡視孤塘關山行口

占

籃輿小隊孤塘道
秋過重陽爽籟清
野隲不教高唱殿
萬山深處一僧迎

孤塘道中峽石有惠林山寺僧余往來常迎于道左

其二

秋早闌珊緣歲閨
老偏矍鑠爲公忙
去來紅樹白雲裏
得意遲遲道路長

其三

九分天水一孤山
人在孤山天水間
纔覺太空身世小
忙忙垂老不知閒

其四

湖上孤山山上塔
摩雲捧日蕩寒烟

誰將隻履橫波渡
踣破空濛鏡裏天
秋巡密廠道中口占
馳呈諸同事

病目于役偃僂籃輿中
殊不適也昏悶無聊口占
四截句
馳呈諸同事

淶江昌水輕來去
矍鑠龍鍾遮莫嘲
身似春秋社燕子
畫梁情重舊時巢

子曾駐節
密廠十年

其二

序屬三秋菊綻籬
當年陶令賦歸時
自慙白髮青衫吏
黃葉空山行役詩

其三

眇淚臨風不目逃
豈耽秋色興偏豪
垂青

恩重重瞳顧匪懈
心難交睫毛

其四

語言面目自堪憎

蘇長公云士大夫三日不讀書便覺語言無味面目可憎余以病目故兩

月不讀書
矣億哉

兩月睽違書幌鐙文定先生明

覺世

同事胡學山善岐黃
茲行欲就醫病目

固應指顧啟昏瞢

病目山行輿中撥悶

肝腎構微疾光銷阿堵神看花羞淚
眼對酒笑涎脣日月生芒刺山川鎖
障塵推思瞽者輩天下可憐人

長途病目籃輿中自嘲聊以撥

悶

老眼已難追少壯病來尤覺苦昏瞢
掩幃羞澁新迎婦閉目跣趺入定僧
鐙暈幻成蓮朶朶花叢隔斷霧層層
輸他劉向燃藜興祿閣光寒久未登

深秋巡視窑廠荻湖灘阻雨

王程迢遞阻寒霖百里昌南望遠岑

兩岸荻蘆清旅况一湖烟雨冷秋心
篝鎧茅店長天鴈白髮青衫靜夜吟
半野半官成澹境金門泉石那情深
深秋夜過石鐘山

又向石鐘山下過暮霞衰草鎖峻嶒
風搖湖口千波月崖挂僧菴一點鎧
烟裏角聲吹斥堠磯邊鷗影傍漁罾
懷蘇亭上蘇公去下鐘山有懷蘇亭後此遊人空

復登

秋山放歌行有小序

丙寅深秋于役昌南適病目
畏風踏跼籃輿中幕幃四閉
日行百餘里而心眼之官頗
有大不相能之勢亦二十年
來一混沌清閒也爰衝口放
歌以解岑寂且爲一時之光

明散耳時過陶家渡

陶家渡又過昌南八十里寒雨吹商
飈輕裝涉淺水雲空遠近山泥濘行
人趾野店變花村霜林豔可喜遊子
慣逸勞茲行饒趣旨寒時未披裘熱
路無顙泚銜署朝野間事功胼胝止
不作汗漫遊亦非五嶽比匹馬萬山
秋吟嘯乾坤裏白髮吹長風深溪清

見底耳洗不枕流石堅不礪齒平生
非分貪無饜在經史方寸留閒天書
田遺耒耜城府不營心身世隨緣起
花甲週五年童心老赤子已過過不
留未來來不擬惟此現在緣順逆務
盡已順則樂及時逆則守以理澹處
率天真濃中循轍軌不忙不知閒思
泰須從否秋深萬寶成閱世久解此

陶心言集卷八
瑣瑣老生談蝸寄子爾爾

轎中瓶菊

看菊何須三徑籬折來盈把付軍持
時人漫笑風塵吏載得黃花一轎詩

其二

黃花折得幾枝枝驛路西風千里隨
冷豔霜姿相對處宛然連日在東籬
丙寅小陽月昌江泛舟即事十

二首

滄浪重泛丙寅年冬日春風江上船
漫笑陶人塵面目壯心清興老依然

其二

小陽春暖四山青慢艚輕舫過野汀
澹境欲尋鷗鷺夢雪兒低唱牡丹亭

適家童歌玉

茗堂尋夢曲

其三

野情逸興想蒙莊濠濮風光問水鄉
活潑會心幽境外一船簫鼓盪斜陽

其四

一片照人新月白半江搖浪夕陽紅
裁詩度曲今宵興同在高天爽籟中

其五

十月春陽歷九秋暖風晴日放扁舟
多情最是昌江水幾度笙歌載勝遊

其六

軟拍輕吹渡野灘鷗心鷺性海天寬
漁樵相習渾相識笑指陶山榷水官

其七

佳山野水陶漁地白髮青衫放誕人
蛙鼓螢鐙蚯蚓笛偷閒十月鬪陽春

其八

紅鐙澹月漾波明四面青山荅鼓聲

陶人八言詩選 卷八
歌吹畫船隨處有風光誰似此遊清
其九

且尋漁父滄浪興聊寫東山棋墅心
白板歸舟載野月一江鐙火水雲深
其十

山蒼水白小陽天擊楫中流權使船
壬戌紀遊十月望野情端不讓坡仙
其十一

一葉輕舟泛月明山鳴水應管絃聲
興豪主客歸來晚寒漏遲遲不問更
其十二

風塵鞅掌何妨老問水尋山不礙閒
佳興與人同此夕蘭亭赤壁剡溪間
丙寅初冬珠山斗室獨坐撥悶
無事非因嬾官拘不出門窗含紅樹
影階褪綠苔痕編簡親良友衙齋靜

野村風停寒雨霽斗室坐黃昏

其二

小几明窓下餅花看又殘陶山慚盞
簋權水近漁竿身厠風塵隱僧行酒
肉官天機活潑潑簫鼓動吟壇

屠者李文彬以紙乞書戲成一

截書以付之

名山金馬事功無白髮青衫一老夫

漫道斯文非我分邇來筆墨動屠沽

丙寅冬夜珠山行館獨坐時目

疾方痊

霜風竹樹響虛庭斗室渾疑泛野舲
如霧如烟新瘡目半山半水舊居停
書攤子夜零星讀琴課兒童將就聽
晚節亭亭餅內菊花香月白伴鐙青
長至前三日琵琶亭即事

琵琶亭子凍雲隈冷境清遊自往回
漲退江平低岸長天高木落遠山來
春歸一線將舒柳律轉三陽欲放梅
烟水窟中烟水吏忘機鷗鷺愛相偎
挽能仁方丈雲耕上人十二首
七十五年行道身孤雲片月駐能仁
而今月落雲飛去潯水匡山少一人

其二

塔鎖寒烟古寺迷我來蓮社慧公西
橋頭一笑渾難得落木斜陽鴉亂唳

其三

水窟山隈七十年山叅水會證因緣
山拋水棄飄然去別有山雲水月天

其四

影像風搖禪卧榻寒霄雲罨賜經樓

內府頒經一藏
新建閣供奉

鐘喑魚睡無消息憩白堂空

夢不留

寺有憩白堂

其五

塵中凡俗原多累
世外山僧也白頭
撒手懸崖乾淨相
有何將去有何留

其六

曾容俗吏登禪榻
直許詩人上講堂
潯水匡廬嫌世近
掉頭遯入白雲鄉

其七

作日僧伽撞日鐘
前人道履後人蹤
勸公好瞑西歸目
三世佛寧土木容

公示寂以殿宇金身未修裝爲歉

其八

殘月夜寒魚鼓寂
空堂雲護祖衣紅
真詮心印無中有
木馬泥牛問水風

其九

石頭路滑廬山在
九派源同潯水流

山骨水心空四大漫將僧臘計春秋

其十

示寂如來說涅槃再來接引現旃檀
約公此去再來日水滴石穿鐵佛歡

寺有水滴石穿古蹟又有鐵佛係江中流來

其十一

僧去寒雲古寺封蒲牢聲吼度深松
知公證聖幽冥外青石無須再造鐘

感通卷曰拘留佛修多羅院造青石鐘打鐘時一切惡道諸苦並皆停止

其十二

去去還從來處去來來應自去中來
來來去去成今古套子因緣土一堆

冬夜雨窓四首

自笑年華孟浪過山陶水榭寄巖阿
對人血性論心熱忘已交情識面多
顧曲且開公瑾眼學書不換右軍鵝

陶人八言詩選 卷八
鏡中白髮三千丈肯爲龍鍾減嘯歌
其二

雪白鬢眉逐歲新長宵紅燭守庚申
耐寒老友梅花古請益良師編簡真
殘漏裏風敲旅夢孤舟載月泊江濱
此中空洞原無物况復餘年近七旬

其三

權陶銜

命駐江干冬盡春回天地寬苦竹黃蘆
清鴈渚寒宵凍雨靜漁灘宦情澹爲
酬恩熱書癖忙因悟道難檢點身名
堪媿幸不衫不履老郎官

其四

雨析風鈴漏不停靜中消息一鐙青
憑將樸拙還天地肯把愁思損性靈
酬唱神怡皆白雪關元本會在黃庭

兀然無事深宵坐澹定從他影弔形
雪夜偶興

紅鐙靜夜坐遽遽澹境居然樂遂初
筆墨我嫌緣尚淺寒酸人笑氣難除
真清真白階前雪奇富奇貪架上書
肉食憑嘲未免俗枯腸詩外半蘊蔬

其二

此心原自有閒忙勘破閒忙熱處涼

澹裏性天濠濮境吟中歲月水雲鄉
形骸縱改童心在齒髮雖衰壯志長
靜作達觀今夜雪來朝入望即滄桑

雙碧樓喜晴

有小序

連朝雨雪今日晴明曙色融
融春歸幾許矣曉起披襟喜
而有作

久暝初晴似醉醒曉光新靄上疏櫺

年豐瑞應雨兼雪宦况清奇盍與併
潯水渡雲千頃白匡山撲檻一樓青
披襟據案閒功課半是儒經半佛經
丙寅嘉平月朔日迎候上官琵琶
亭小憩乘便探春兼以書

懷

身名放誕隨緣適束帶探春過野亭
詩癖耽吟頭任白心空愛客眼多青

老梅入句香殘月良友停雲淡曉星
自笑寄形蠻觸隊半如沉醉半如醒

其二

權陶銜

命遠塵囂日近誰言

帝里遙新漲移痕冰欲泮平原迸綠雪
全消一番風已催梅信九十春先上
柳條此日琵琶亭獨坐居然冠蓋隱

漁樵

嘉平月之五日深宵讀書

官齋入夜靜
囂塵城市山林忘此身
墻外柝鼓三鼓月
案頭梅露一鉸春
挑鐙看劍空千古
對影攤書恰兩人
幾度欲眠還起舞
吟情老興逐年新

即事書懷二首

平生不解歎蹉跎
得失曾無減嘯歌

夢鹿功名隨醒睡
浮槎事業任風波
顛如張旭顛猶少
老比馮唐老已過
蓆帽布袍同志隊
交游癡福我慚多
其二

六十五年半賤貧
賤貧琢練老精神
酬知無具功名澹
處世何營編簡親
廿載郎官慚列宿
一身職業署陶人
雞皮鶴髮江湖叟
萬事由天命信真

立春前一日琵琶亭望春

盼春春已來朝至結伴探春興不孤
客久年華流似矢吟豪天地小於壺
東風有意池冰泮臘雪多情江柳蘇
如海韶光從此盛野亭雅集且歌呼

其二

春風頭上好詩天此日登樓興若仙
瘦馬平原芳草綠新波野浦遠帆連

匡廬翠擁前宵雨江郭年豐夕照烟
萬態千奇吟境濶奚囊收拾共翛然

贈謝母程太夫人

潛德冥冥積久光丹書早已及幽芳
櫬歸先壟夫靈安淚灑湘江吳水香
廿九未亡人仇湛五齡孤獨子賢良
試看後起東山望風采於今重玉堂

乃孫溶生壬戌
科聯捷擢庶常

其二

誅夫畫荻家非幸巾幗回天啟秀奇
補袞肇功憑十指螽斯衍慶起孤兒
雪清勁節程門化絮咏仙才謝樹枝
黃鵠當年歌矢志有人述德鳳凰池

晉謝玄生子暎暎生靈運暎早亡靈運幼
穎悟祖玄甚異之後靈運作述祖德詩

丙寅除夕寫懷

官燭併梅此夕清暗香踈影逗虛明

不如意處勤修省到遂心時戒滿盈
天地自隨人大小古今多以事紛更
來朝白髮逢新歲管領春風別有情

陸心言集

卷八

三



